



ეროვნული საგანმანათლებლო უნივერსიტეტი

## საერთაშორისო ურთიერთობების სამსახურის დებულება

დამტკიცებული:

სენატის სხდომის ოქმი N7.

თარიღი: 21.03.2023 წ.

დადგენილება N11.

ცვლილება:

სენატის სხდომის ოქმი N1.

თარიღი: 15.01.2025 წ.

დადგენილება N11



## **მუხლი 1. ზოგადი დებულებანი**

- 1.1.** „ნეუ - ეროვნული საგანმანათლებლო უნივერსიტეტის“ (შემდგომში „უნივერსიტეტი“) საერთაშორისო ურთიერთობების სამსახური წარმოადგენს უნივერსიტეტის სტრუქტურულ ერთეულს, რომელიც უზრუნველყოფს ინსტიტუციის ინტერნაციონალიზაციის ხელშეწყობასა და საერთაშორისო ურთიერთობების გაღრმავებას;
- 1.2.** სამსახური თავის საქმიანობას წარმართავს მოქმედი კანონმდებლობის, კანონქვემდებარენორმატიული აქტების, უნივერსიტეტის დებულების, პერსონალის მართვის წესის, ამ დებულებისა და უნივერსიტეტის მართვის ორგანოების სხვა სამართლებრივი აქტების შესაბამისად.

## **მუხლი 2. სამსახურის მართვა და ფუნქციები**

- 2.1.** საერთაშორისო ურთიერთობების სამსახურს ჰყავს ხელმძღვანელი. სამსახურს შესაძლებელია ჰყავდეს მთავარი სპეციალისტი, მრჩეველი, რომელთაც თანამდებობაზე ნიშნავს და ათავისუფლებს უნივერსიტეტის რექტორი.

### **2.2. სამსახურის ამოცანებია:**

- ა.** ინტერნაციონალიზაციის ხელშეწყობა - უნივერსიტეტის ევროპულ სივრცეში ინტეგრაცია;
- ბ.** საერთაშორისო პარტნიორი უმაღლესი საგანმანათლებლო დაწესებულების, კვლევითი და საზოგადოებრივი ორგანიზაციების შესახებ ინფორმაციების მოძიება;
- გ.** საერთაშორისო პარტნიორი უმაღლესი საგანმანათლებლო დაწესებულებებთან, კვლევით და საზოგადოებრივ ორგანიზაციებთან ახალი ურთიერთობების დამყარება;
- დ.** სტუდენტებისა და აკადემიური პერსონალის საერთაშორისო მობილობის შესახებ ინფორმაციის მოძიება;
- ე.** უნივერსიტეტი კულტურულ - შემოქმედებითი საქმიანობის ხელშეწყობა საერთაშორისო დონეზე;
- ვ.** საერთაშორისო კონფერენციებისა და სხვადასხვა სახის ღონისძიებების დაგეგმვა, ორგანიზება;
- ზ.** უნივერსიტეტის სახელით ერთობლივი საგრანტო, სასტიპენდიო და კვლევითი პროექტების კოორდინირების უზრუნველყოფა;
- თ.** ადგილობრივი სტუდენტებისათვის გაცვლით პროექტებში მონაწილეობის ხელშეწყობა;
- ი.** საერთაშორისო სტუდენტების მოზიდვა;
- კ.** მონაწილეობა ბიუჯეტის ფორმირებაში.

### **2.3. სამსახურის ხელმძღვანელის ფუნქციები:**

- ა.** ინტერნაციონალიზაციის ხელშეწყობა - უნივერსიტეტის ევროპულ სივრცეში ინტეგრაცია;

- ბ. ინფორმაციის მოძიება საერთაშორისო პარტნიორი უმაღლესი საგანმანათლებლო დაწესებულების, კვლევითი და საზოგადოებრივი ორგანიზაციების შესახებ, მათთან კომუნიკაციისა და ერთობლივი პროექტების შემუშავების უზრუნველყოფა;
- გ. სტუდენტებისა და აკადემიური პერსონალის საერთაშორისო მობილობის შესახებ ინფორმაციის მოძიება;
- დ. უნივერსიტეტში საერთაშორისო დელეგაციების ვიზიტების დაგეგმვა/ორგანიზება;
- ე. უნივერსიტეტის სახელით ერთობლივი საგრანტო, სასტიპენდიო და კვლევითი პროექტების კოორდინირების უზრუნველყოფა;
- ვ. უნივერსიტეტის დებულებით, სამსახურის დებულებით, მოქმედი კანონმდებლობით და უნივერსიტეტის მართვის ორგანოების სამართლებრივი აქტებით განსაზღვრული სამსახურის სხვა ფუნქციების განხორციელება;
- ზ. მონაწილეობს უნივერსიტეტის ბიუჯეტის ფორმირების პროცესში.

#### **2.4. სამსახურის მთავარი სპეციალისტის ფუნქციები:**

- ა. საქმიანი ურთიერთობების დამყარება უმაღლეს საგანმანათლებლო დაწესებულებებთან, სასწავლო - სამეცნიერო ცენტრებთან, კულტურულ - სპორტულ, შემოქმედებითი და სხვა სახის ორგანიზაცია - დაწესებულებებთან, ცნობილ მეცნიერებთან და საზოგადო მოღვაწეებთან;
- ბ. საერთაშორისო სტუდენტების დახმარება უნივერსიტეტის საგანმანათლებლო პროგრამებში ჩართვაში;
- გ. სოციალურ, კულტურულ, გარემოსდაცვით და საზოგადოებისათვის მნიშვნელოვანი თემების განხილვაში მონაწილეობის უზრუნველყოფა;
- დ. საერთაშორისო კონფერენციებისა და სხვადასხვა სახის ღონისძიებების დაგეგმვა, ორგანიზება;
- ე. უნივერსიტეტი კულტურულ - შემოქმედებითი საქმიანობის ხელშეწყობა;
- ვ. სამსახურის ხელმძღვანელის სხვა დავალებების შესრულება.

#### **2.5. მრჩეველის ფუნქციები**

- ა. მრჩეველი საკუთარი კომპეტენციის ფარგლებში გასცემს რეკომენდაციებს, რაც ხელს შეუწყობს უნივერსიტეტის მდგრად განვითარებას საერთაშორისო ასპარეზზე;
- ბ. მრჩეველს შეუძლია წარმოადგინოს უნივერსიტეტი პარტნიორებთან ურთიერთობების პროცესში.

#### **მუხლი 3. გარდამავალი და დასკვნითი დებულებები**

##### **3.1. წინამდებარე დებულებას ამტკიცებს უნივერსიტეტის სენატი;**

- 3.2.** უნივერსიტეტის წინამდებარე დებულება მოქმედებს ხელმოწერისთანავე;
- 3.3.** დებულების მიღება, გაუქმება, ცვლილებებისა და დამატებების შეტანა ხორციელდება სენატის მიერ;
- 3.4.** წინამდებარე დებულება ძალას კარგავს ახალი დებულების დამტკიცების შემთხვევაში.